



Il na da Schluein ha differentas consequenzas per la nova vischnanca Ilanz/Glion. MAD

# Pli paucs daners, pli paucs abitants e pli pauca surfatscha

## Fusiun Glion plus

■ (rtr) Senza la vischnanca da Schluein survegn la nova vischnanca Glion/Ilanz 600 000 francs pli pauc dal chantun. Empè da 18,3 milliuns francs datti uss 17,7 milliuns francs. La vischnanca da Schluein è la suletta che ha ditg na a la fusiun Glion plus. Uschia sa reducescha er il dumber dad abitants per 523. Senza Schluein ha la nova vischnanca anc 4635 abitants empè da 5158 abitants. Era la surfatscha da la vischnanca nova è senza Schluein pli pitschna. Ella sa reducescha per 481 hectaras da 13 824 hectaras sin 13 343 hectaras.

### 2 sezs crodan

Er en il parlament datti ina midada. Avessan tuttas 14 vischnancas detg gea al project da fusiun Glion plus avess la nova vischnanca Glion/Ilanz gè in parlament cun 27 sezs. Senza Schluein crodan 2 sezs davent. Il parlament da Glion/Ilanz ha pia da nov 25 sezs. Vi dal dumber da sezs da la citad da Glion na mida dentant nagut, era betg sche la vischnanca da Schluein croda davent. Glion ha vinavant 10 sezs en il parlament.